



**Philippi Ecclesiæ Eystettensis XXXIX. Episcopi. De
Eivsdem Ecclesiæ Divis Tvtelaribvs. S. Richardo. S.
Willibaldo. S. Wvnibaldo. S. Walpvrga. Commentarius
nunc primum evulgatus**

Philip *<Eichstätt, Bischof>*

Ingolstadii, 1617

XXIII. De Canonizatione & translationibus S. VVillibaldi.

[urn:nbn:de:hbz:466:1-70477](#)

Corpus S. Willibaldi Aichstadij in choro Willibaldino asservatur & honoratur. Cuius tamen translatæ reliquia nunc Furnis seruantur, inquit Balæus Centur. 2. cap. 16. At non totæ, ô bone, sed duntaxat portio quædam. Quod etiam de S. Walpurga dictum esto; de quo admonere nō supersedit Molanus in sanctorum Belgij Indiculo, idque ne quis deciperetur narrations quorundam, qui rem ita referunt, ut quis existimare possit, totas Reliquias Furnos deportatas esse; quod à vero alienum est; Facta est hæc portionum de Reliquiis S. Willibaldi, S. Wunibaldi & S. Walpurgis translatione anno Domini DCCC. LXX. quo tempore Otkerus seu Otkarius VI. Eystettensis Episcopus Cathedram Willibaldinæ moderabatur. Quanquam in rebus gestis huius Episcopialrum sit de his reliquiis in Flandriam missis, silentium. Balduinus cognomento Ferreus tunc Flandriam imperio tenebat. Subquo etiam corpus S. Donatiani Archiepiscopi Remensis Brugas Flandricas translatum est, anno gratiæ DCCC. LXIII.

CAPVT XXIII.

*Decanonicalatione & translationibus
S. Willibaldi.*

Omninis sententia habet S. Willibaldum. Canonizatum esse à Leone VII. Pontifice Max. qui pontificatum iniit anno Redemptoris DCCCC. XXXVI. euademq; vita funditus deseruit anno DCCCC. XXXIX. cùm sedisset annis tribus, & sex mensibus. Hoc ergo tempore, quod cōtinetur annis istis, S. Willibaldum Cælitum nume-

ro adscriptum oportuit, quando Starckhandus Willibaldinam cathedram obtinebat.

Sed his refragatur Philippus, qui canonizationem istam refert ad annum Domini DCCCC.LXXXIX. qui est quinquagesimus annus ab obitu Leonis Papæ, & primus Megengozi Antistitis Aichstadiani. Quanquam sibi ipsæciam repugnat: si enim Leo VII. in Sanctorum numerum retulit S. Willibaldum, ut ipse met disertè scribit, quomodo ideo, quem indicatano, fieri potuit?

Relatio de canonizatione & translationibus sancti Willibaldi, quæ in ipso vestibulo Pontificalis exstat, eodem fermè modo hac de re loquitur. Sunt, qui nodum hunc ita soluendū censeant. Sub Leone VII. petitam Canonizationem S. Willibaldi; & examinata acta, à p̄rediō P̄otifice, idq; studio Starckhandi tunc Eystettensis Episcopi; verū immatura morte Leonis, opus inchoatum imperfectum mansisse, ut s̄epius hoc ipso in argumēto accidisse nouimus, donec tandem Megengozus rem iterum vrgere coepit; feliciterq; confecerit, & hoc accidisse non anno DCCCC. LXXXIX. Sed anno M. XIV. qui fuit ultimus annus Megengozi in Episcopatu. Nec ab ludunt ab hac sententia verba Relationis, si rectè intelligantur & distinguantur. Sunt autem ista; iam in Megengozi pontificatu à me relata. *Medio tempore Dominus Deus in laudem & honorem egregij Confessoris sui multa permisit fieri signa. Illa verò signa infinita cum à Leone Papa VII. sat is essent examinata & coram eo probata; procurante venerabili patre Domino Megengozzo, laudabiliter Canonizatus & Sanctorum Catalogo insertus est. Procurante nimisrum Megengozo nō apud Leonem VII. sed apud sui temporis*

poris & præsulatus Pontifices, ut quod à Leone VII. comprobatum fuerat; re ipsa perficeretur. Cæterum anno M. XIV. nauiculam S. Petri gubernabat Benedictus VIII. qui S. Henricum Imperatorem imperialis corona redimiuit. Ego nescio quomodo propensior sum in Leonem VII. Papam, ita ut que de Megen gozzo adduntur, assumēta existimem. Difficile enim creditū est tantam lucernam tam splendide rutilantem sub modio iacuisse, hoc est, canonizatione caruisse, ab anno Domini D C C. L XXXI. usq; ad annum salutis M. XIV.

Quatuor Translationes Reliquiarum S. Willibaldi ponit Philippus cap. 38. Prima est retro altare sancti Viti. Secunda, ad medium Ecclesiae. Tertia ad ehorum B. Virginis. Quarta, ad chorum Willibaldinum. Alij tres tantum statuunt, omissa illa ad medium Ecclesiae. De quibus translationibus plura reperies in historia Episcoporum, ubi, à quibus singulæ peractæ sunt, sigillatim explicabitur.

Auctor Anonymus, qui vixit & scripsit sub Gundakaro XVIII. Episcopo Eystettensi aliam sub Reginoldo Episcopo si non perfectam, saltem tentatam translationem ponit his verbis. *Adhuc quod mirabilius est dicam, centesimo LXXXVI. depositionis S. Willibaldi anno, cum Chrysostomus noster Reginoldus Episcopus monasterio magnificentius instructo, & pulcherrimo, ut nosti, carnime facto, corpus eius de medio choro, ubi usque modo sepulchrum eius cernitur, in cryptam, ubi iam nunc requiescit transferre cogitaret, facto triduano iejunio Archipresbyteri, quibus iussum fuerat, summo, ut decuit, timore & reverentia pretiosum corporis eius thesaurum offendierunt, stante procul expansis ad cælum manibus Episcopo, neque quo usq; omnia*

peragerentur, accedere auso. Sed veridica patrum relatione
percepi, omnes, qui sacratissimas eius reliquias inspexere, an-
num integrum in hac vita non impleuisse. Quid autem ipsi
Episcopo acciderit, non est dicendum per singula.

CAP VT XXIV.

*Conuicia Centuriatorum & Balii acta
in S. VVillibaldum.*

Idem erroribus imbutus fuit, inquit Centu-
riatores Cent. VIII. cap. 10. quibus Bonifacius.
At Bonifacius nullis erroribus imbutus fuit,
ergo nec Willibaldus. Dicite tamen, qui sunt isti erro-
res Bonifacij? Corruptelam de oratione pro mortuis, à Pon-
tifice Gregorio acceptam, longè lateq. sparsit, ut patet ex epi-
stolis eius ad Aldherium Abbatem. Grandis error, preces
fundere pro defunctis, & ut fundantur, docere, & ab
amicis etiam exigere, prout exegit S. Bonifacius ab
Aldherio in epistola, quam ad ipsum dedit, quæ est
XXIV. inter Bonifacianas. Scilicet id faciendum es-
se, nesciebat S. Bonifacius, & nescius usque ad extre-
mum vitæ finem mansisset; nisi à Pontifice Grego-
rio dogma hoc accepisset: quasi verò etiam ante hunc
Gregorium, in toto Christiano orbem os orandi pro
mortuis non viguerit, maximè in Anglia; prius quo-
que quam Bonifacius pedem ex Anglia efferret. Quis
autem tam stultus & amensest, qui, si vna ex parte
stantes S. Bonifacius & S. Willibaldus dicant, prode-
functis preces & supplicationes Domino offerri de-
bere; è contra verò Illyricus cū suis Wigando & Mat-
thæo Iudice vociferetur; hoc esse superstitionem, ac proin-
de omni modo fugiendum; non malit subscribere senten-
tia.